

## **»Redovni izvještaj dnevnih događaja i pojava«**

Izvještaj se odnosi na događaje u vremenskom periodu od 03.09.2024. godine od 08:00 sati do 04.09.2024. godine do 08:00 sati.

Prema podacima kojima raspolaže Kantonalni operativni centar CZ-e, službe od posebnog značaja radile su na izvršavanju svojih redovnih zadataka.

### **POŽARI (LP-3)**

Grad Bihać. Vatrogasna jedinica grada Bihaća imala je intervenciju na gašenju požara u ulici Cazinska, gdje je gorio pomoćni objekat-šupa.

Grad Bosanska Krupa. Vatrogasna jedinica grada Bosanska Krupa imala je intervenciju na gašenju požara od 16:20 sati do 18:40 sati, u mjestu Vranjska, gdje je gorjelo nisko rastinje.

Općina Sanski Most. Vatrogasna jedinica općine Sanski Most imala je tri intervencije na gašenju požara:

- od 11:05 sati do 12:55 sati u mjestu Zagaj, gdje je gorjela šuma,
- od 14:15 sati do 16:25 sati u mjestu Poljak, gdje je gorjela šuma, i
- od 22:00 sati do 01:00 sati, u mjestu Zagaj, gorjela je šuma.

Općina Velika Kladuša. Vatrogasna jedinica općine Velika Kladuša imala je intervenciju na gašenju požara od 19:22 sati do 19:44 sati, u mjestu Zagrad, gdje je gorjelo putničko motorno vozilo. Vatrogasne jedinice u ostalim općinama nisu imale intervencije.

### **OBLAST SAOBRAĆAJA (prohodnost puteva, drumski i željeznički saobraćaj)**

Svi magistralni i regionalni putevi na području Kantona su prohodni.

Minerski radovi aktuelni su od 05:40 do 16 sati na ulazu u Bosansku Krupu iz pravca Bihaća, a obustave su 15-minutne (i 15 minuta propuštanje saobraćaja).

Na graničnim prelazima promet putničkih vozila za sada protiče uz kraća zadržavanja.

### **BEZBJEDNOST U SAOBRAĆAJU (LP-7) (saobraćajne nezgode)**

Na području USK-a u protekla 24 sata desile su se četiri saobraćajne nezgode.

Povrijeđenih lica nije bilo, te je pričinjena materijalna šteta.

### **OŠTEĆENJA ELEKTRIČNE MREŽE (LP-18)**

Elektroenergetski sistem je stabilan.

### **OBLAST TELEKOMUNIKACIJA (LP-18)**

Telefonske veze funkcioniraju u svim pravcima.

### **OBLAST VODOSNABDIJEVANJA (LP-18)**

Vodosnabdijevanje je zadovoljavajuće.

### **NEEKSPLODIRANA UBOJNA SREDSTVA –NUS (LP-19)**

Općina Sanski Most. Policijska stanica Sanski Most dostavila je zahtjev za preuzimanje MESA koji se nalazi u magacinu PS Sanski Most radi uništenja. Zahtjev je proslijeđen u Federalnu upravu civilne zaštite na dalje postupanje.

### **METEOROLOŠKO-HIDROLOŠKA SITUACIJA**

U gradu Bihaću u 08:00 sati temperatura je iznosila 19 °C.

Vodostaj rijeke Une iznosi 18 cm, (početak obavještavanja je 100 cm).

U općini Sanski Most u 08:00 sati temperatura je iznosila 18 °C.

Vodostaj rijeke Sane iznosi 70 cm, (početak obavještavanja je 310 cm).

Napomena: Služba za civilnu zaštitu i vatrogastvo Bosanski Petrovac i Služba civilne zaštite i zaštite od požara Velika Kladuša nisu dostavile Redovni izvještaj.